



Broj: 16-12-16-5398-12/19
I. Sarajevo, 06.08. 2019. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 69. stav (2) tač. a) i d) člana 70. st. (1), (2), (4) i (6) Zakona o javnim nabavkama ("Službeni glasnik BiH", broj 39/14), na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-5398/19 od 02.08.2019. godine, u postupku javne nabavke usluga pranja vozila Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke usluga pranja vozila
Državne agencije za istrage i zaštitu za LOT 3 i LOT 4

Član 1.

U postupku javne nabavke usluga pranja vozila Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-5398/19 od 02.08.2019. godine, poništava se postupak javne nabavke i to za:

- LOT 3 - Nabavka usluga pranja vozila za Regionalni ured Tuzla, iz razloga što za LOT 3 nije dostavljena nijedna ponuda u određenom krajnjem roku i
- LOT 4 - Nabavka usluga pranja vozila za Regionalni ured Banja Luka, iz razloga što za LOT 4 primljena ponuda nije prihvatljiva.

Član 2.

Ova odluka objavit će se na web stranici Agencije, istovremeno s upućivanjem ponuđačima koji su učestvovali u postupku javne nabavke.

Član 3.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-5398-1/19 od 01.07.2019. godine pokrenut je postupak javne nabavke usluga pranja vozila Agencije, procijenjene vrijednosti 42.000,00 KM bez uračunatog PDV-a, za period od dvije godine, putem Konkurentskog zahtjeva, za koji je obavještenje o javnoj nabavci objavljeno na Portalu javnih nabavki broj 1161-7-2-213-3-47/19 od 15.07.2019. godine. Novčana sredstva za realizaciju navedene nabavke obezbijedena su u okviru budžetskih sredstava za 2019. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period april-juni 2019. godine („Službeni glasnik BiH“, broj 25/19) i Dokumenta okvirnog budžeta 2019.- 2021. godina. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16). Predmet javne nabavke podjeljen je na lotove:

- LOT 1- Nabavka usluga pranja vozila za sjedište Agencije u Istočnom Sarajevu, procijenjene vrijednosti 27.000,00 KM bez uračunatog PDV-a;
- LOT 2- Nabavka usluga pranja vozila za Regionalni ured Mostar, procijenjene vrijednosti 5.000,00 KM bez uračunatog PDV-a;
- LOT 3- Nabavka usluga pranja vozila za Regionalni ured Tuzla, procijenjene vrijednosti 5.000,00 KM bez uračunatog PDV-a;
- LOT 4- Nabavka usluga pranja vozila za Regionalni ured Banja Luka, procijenjene vrijednosti 5.000,00 KM bez uračunatog PDV-a.

Komisija I za nabavke za potrebe Državne agencije za istrage i zaštitu u 2019. godini (u daljem tekstu: Komisija), dostavila je Izvještaj o radu broj 16-12-16-5398/19 od 02.08.2019. godine sa preporukom o izboru najpovoljnijeg ponuđača u postupku javne nabavke usluga pranja vozila Agencije.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 29.07.2019. godine do 13,00 sati, te da se ponude dostavljaju u zatvorenoj koverti, Komisija je dana 29.07.2019. godine u 14,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju prisustvovao je ovlašteni predstavnik ponuđača ZUR "Autopraonica Kanebo" Istočna Ilidža.

Blagovremeno su dostavljene ukupno tri ponude i to:

Redni broj	Naziv ponuđača	LOT	Vrijednost ponude (bez PDV-a)
1.	„Hercegovina Auto export-import“ d.d. Mostar	LOT 2	4.892,00 KM
2.	„Autopraonica Dobro“ s.p. Banja Luka	LOT 4	6.488,71 KM
3.	ZUR "Autopraonica Kanebo" Istočna Ilidža.	LOT 1	33.025,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da za LOT 3 - Nabavka usluga pranja vozila za Regionalni ured Tuzla nije dostavljena nijedna ponuda u određenom krajnjem roku.

Komisija je utvrdila da za LOT 4 - Nabavka usluga pranja vozila za Regionalni ured Banja Luka primljena ponuda nije prihvatljiva. Uvidom u dostavljenu ponudu ponuđača „Autopraonica Dobro“ s.p. Banja Luka za LOT 4, Komisija je utvrdila da isti ne ispunjava kvalifikacione uslove iz tač. 2.2.4. i 3.1.3. Konkurentskog zahtjeva. Naime, ponuđač „Autopraonica Dobro“ s.p. Banja Luka nije dostavio potvrdu - Izvještaj o računima pravne osobe iz Jedinственог регистра transakcijskih računa u Bosni i Hercegovini izdate od strane Centralne banke Bosne i Hercegovine ili potvrdu izdatu od strane poslovne, komercijalne banke certificirane za izdavanje takve potvrde-izvještaja isključivo na obrascu Centralne banke Bosne i Hercegovine ili ekvivalentan dokument ako se radi o ponuđačima iz inostranstva. Takođe, Komisija je utvrdila da ponuđač „Autopraonica Dobro“ s.p. Banja Luka nije dostavio važeći cjenovnik sa jediničnim cijenama za ostale usluge (poliranje-ručno i mašinsko, odmašćivanje unutrašnjosti vozila, poliranje prednjih svjetala i druge usluge iz ponude za navedene tipove vozila), koji je potpisan i ovjeren od strane odgovornog lica. Imajući u vidu navedeno, Komisija ponudu ponuđača „Autopraonica Dobro“ s.p. Banja Luka nije uzela u dalje razmatranje.

Cijeneći naprijed navedeno, uvažavajući preporuku iz Izvještaja o radu Komisije, odlučeno je da se postupak javne nabavke za LOT 3 i LOT 4 okonča donošenjem odluke o poništenju postupka javne nabavke, u skladu sa odredbom člana 69. stav (2) tač. a) i d) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Agencije.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

